

Deo opt. max. uni & trino, Virgini Deiparæ, & sancto Lucaë orthodoxorum Medicorum Patrono.

(1672) Aug 1372

Q V Æ S T I O M E D I C A.

Cardinalitiis disputationibus manè discutienda in Scholis Medicorum, die Jovis 24. Februarii.

M. PETRO PERREAU, Doctore Medico, Præfide.

An Anglica præscribendi corticis Peruviani methodus explodenda?

INTER præcipua Naturæ miracula numerari solet arbor, quæ nascitur in Peruviano Americani orbis regno amplissimo; vis ejus præcipua in cortice, qui à pluribus jam annis de-
vectus est in Hispaniam, inde Romam ad Eminentiissimum Cardinalem Joannem de Lugo, unde suam inivit celebritatem, quam prudentiores Medici longæ experientiæ edocti, ju-
gibus recidivis & alienis periculis cauti, spectâ diu dolosâ illius corticis potestate, non parum obscurarunt. Verùm hanc nuperrimè multum adauxit, pristinumque splendorem cum fœ-
nore restituit nova hujus exhibendi ratio à quodam Anglo excogitata, in eo quippè posita, ut ineunte quavis febre intermittente, prætermisso utriusque majoris præsidii, ac salutaris
diætæ auxilio, merum hujus corticis virtute medicatum non semel, sed pluries, imò per unum aut alterum mensem hauriatur.

CALOR præter naturam è corde in corpus effusus febris est, continua, intermittens; illa periculo plena ob insignem putredinem, quam intima celant præcordia; Hæc plerum-
que securissima, tum proprio fomite in primis sedibus procul à corde remoto, tum induciis, quas dat reparandis viribus necessarias, donec alio humoris motu, & novo quasi furo-
re rursus excitetur, ruptoque quasi fœdere instauret prælum, repetatque brevioribus longioribus intervallis, æstus instar marini, magno ac inexplicabili naturæ miraculo. Solet esse
paulo diuturnior, & eâ ratione molesta ægris, qui tædio affecti, neglectis medendi præceptis, compendia quærunt, omnemque ponunt operam, ut à tot repetitis insultibus quàm citissi-
mè fiant immunes.

IN eam rem sese offert cortex Peruvianus, colore croceus, seu potius cinnamomeus, sapor amarus & subausterus, vi calefaciendi ac exsiccandi præditus, qui in pulverem tenuissi-
mum, cum vino aut alio liquore, aut solidæ opiatæ formâ assumptus, incantamenti ad instar, febrium intermittentium fugat accessiones; An quia tenuiorem humoris portionem dis-
cutit, crassioresve magis incunat, & quasi reddit immobilem, ac quietis amantissimam? An verius incertâ adhuc ratione & abditâ in majestate naturæ? Verum quibus cautionibus?
Antè depleto ac repurgato corpore, cujus firma sunt ac integra viscera, nec veteribus obdura infarctibus, consulto prius Medico perito, qui prudenter capiet occasionem, (quæ super-
ba res est, nec unquam tulit se negligi.) Hanc definient aut vires febris diuturnitate plurimum attrita, vixque ejus ferendis insultibus pares, aut accessionum caput impetentium effre-
nata vis ac incurfus, earumque semper efferatior maximo vitæ discrimine recursus. Hæc sunt momenta, quibus tota splendet hujus pulveris gloria: Hi sunt præscripti hujus imperii li-
mites, quos ille nusquam debet egredi.

UNA Medicorum omnium consensione splendidi hujus febrifugi vim & potestatem negant febres continuæ solis artis Medicæ legibus subjectæ, quas nusquam impunè violarunt.
Numquid pariter præstat sinere, ut illæ quæ intermittunt, ab omni periculo liberæ, novam diuturnitatis molestias expertæ, nec terrificis illis exitiosisque stipatæ symptomatis, pla-
cido ac inoffenso cursu suam absolvant historiam, ac optatissimo eventu conquiescant salutaribus majorum nostrorum præsidii, quàm dubia per compendia vim naturæ morari ac disti-
nere, umbramque dumtaxat & imaginem curationis consecrari? Quid aliud lucratur tota hujus pulveris efficientia, quàm hæsitacionem quamdam ac moram; Dat, fateor, naturæ indu-
cias, sed fallaces; Pacem simulat, ut bellum periculosius inducat; Latet aliquandiu venenum, ut postea crudelius læviat.

SANE graviter errant, qui hujus insidiosi pulveris operâ, despectis potissimum majoribus artis Medicæ remediis, suam securè depulsam credunt ægrotationem, similes illis qui ince-
dunt per ignes suppositos cineri doloso, aut qui vicisse putant in causâ, dum vadimonium distulerunt: Vivit subcineribus duplex reverfuri mali fomes, empyreuma omnibus vitæ
functionibus infensum, & præpostera illa vivendi licentia novis incendiis occasionem præbens, derelictâ totâ ferè febris materiâ, quæ denuò putredinem contrahit non vulgarem recurfuri
morbi gravioris parentem. Valeat ergo, nec tam magnificè prædicetur, infida illa ac compendiararia curatio, quæ quadam recti verique specie, ægrotos interdum opprimit, fallit assiden-
tes, ludit & Medicos incautos, earum maxime febrium, quæ omnis securæ periculi, dum juxta veterum documenta pederentim solvuntur, solent esse præsidio, & sæpius ægros à magnis
morbis vindicare: Exulet prorsus insolens illa hujus præscribendi pulveris norma, solâ sordidi lucri cupidine parta, torque immeritis celebrata præconis; Quò crebrius ille præsertim me-
ro dilutus assumitur, eò citius genitalem partium succum depascitur; labem ipsis inurit tempore & opere plurimo eluendam vitamque ipsam reddit longè brevior.

Ergo Anglica præscribendi corticis Peruviani methodus explodenda.

Proponebat Parisiis JOANNES DAVAL, Augus, Baccalaureus Medicus. A. R. S. H. 1684.